



Шочмо эл, порылык да чын верч!

Будь готов /

27-ше (3571) №,
2022 ий 8 июль,
кугарня.



Ямде лий

1933 ий 1 февраль годсек лектеш.

0+



Мария Ямбершева.
Кужэнгер, Аганур.



2022 год
КУЛЬТУРНОГО
НАСЛЕДИЯ
НАРОДОВ
РОССИИ

«Йўлам арале – тўвырам пойдаре»

У фотоконкурсым
увертарена.

Иван Петраев.
Башкортостан,
Калтаса, Амчелучаш.

Условийже –
8-ше лаштыкыште.



Роман Рябчиков ден
Аделина Шибаква.
Медведево, Руш Кукмарий.

ПОДПИСКЕ

«Ямде лий» газетлан
кажне тылзын 15 числа
марте верласе связь
отделенийште, rod-piska.pochta.ru
сайтыште
возалташ
лиеш.

Рекламе.

Индекс –
П4696.

К.Архипован, Э.Монахован да
еш архив гыч налме фото-влак.



Эн виян - сеньше

Мордва Республикыште «Лұдыкшыдымылык школ» регион-влак кокласе тагасымаш эртаралтын. Юл кундем федерал округысо 14 регион гыч 23 команде вийкуатшым, мастарлыкшым терген. Ұдыр-рвезе-влак эстафетыште тагасеныт, 1 километрыш, түрлө нелылыкым эртен куржыныт,

акваторийыште кычалме да утарыме сомылым шуктеныт. Марий Элын сборный командыжын изирак ийготан тўшкаже икымше верым сенен налын. Кугурак ийготан ұдыр-рвезе-влак кумшо верыш лектыныт. Нуным снимкыште уждыда.

Л.НИКОЛАЕВА ямдылен.
Фотом интернет гыч налме.

Историйым шергалына

10 июль Российыште
Воин чап кече семын палемдалтеш. 1709 ий ты кечын Петр I вуйлатыме руш армий Полтава крдалмаште швед войскам сенен.

1943 ий 12 июлышто Трехоровка посёлко воктене танк дене кугу крдалмаш лийын.

Пайдале вашлиймаш

Фотом еш архив гыч налме.



26-29 июнышто Килемар районысо «Раздолье» турист комплексыште «ЭтноБлогинг тайм» регион-влак кокласе медиафорум эртаралтын (снимкыште). Российысе түрлө кундем гыч 35 ег погынен. Мыят нунын радамыште лийынам. Медиафорумышто ме

блогым вўдаш, интервьюм налаш тунемынна. Мыланем опытан блогер-влак дене вашлийын мутланаш келшен. Тўрлө калыкын модышыж дене модынна. Тыгай форум самырык тукумлан кўлешан да шергакан.

Всеволод НИКИТИН.
Кужэнгер, Шўдымарий.

Российысе увер

Ұдыр-рвезе-влак, те 16 ийым теменда, почеламутым, ойлымашым возаш йоратада? Тугеже «Золото русской литературы» всероссийский конкурс – тыланда. Йодмашым да пашам soclaboratory@mail.ru адрес дене электрон почтыш 20 июль марте колтыза.

Россий Президент В.В.Путин 2023 ийым Педагог ден наставникын идалыкше семын увертарен.

5-17 ияш йоча да самырык-влак, «Лесной пожарный наш герой, он с огнём вступает в бой» всероссийский сўрет конкурсыш ушныза. Пашам 31 август марте колтыза. Тўрыс уверым tuntuk.ru сайтыште ончыза.

Марий Элысе увер

Кажне кумылан ег Йошкар-Олалан пөлеклалтше почеламут конкурсыш ушнен кертеш. 8-32 корнан почеламутым рушла шоныман, okcentr2010@mail.ru адрес дене электрон почтыш 25 июль марте колтыман. Сеньше-влакым 1 августышто палемдат.

30 июлышто Козьмодемьянск олаште «Бендериада» сатир да мыскара фестиваль эртаралтеш. Пайрем 9 шагатлан тўналеш.

Иймаш дене кенжежимсе спартакиаде Саранкыште эртаралтын. Тагасымашке Российын 57 регионжо гыч 392 спортсмен ушнен. Марий Эл гыч Владимир Сандыков 200 метрыш иймаште 3-шо верыш лектын.



Теныз тич йöным пуа

Школьник-влакын россиясе толкынышт могай гына конкурсым огеш эртаре!! Жапет, мастарлыкет, үнарет веле ситышт. Теве Марий Турек школын тунемшыже Алия Ибрагимова (снимкыште) чыла гаяк конкурсышто, проектыште усталыкшым ончыкта.



Изи ошкыл – кугу сенгымаш



шам ышташ, кушкаш ит öркәне веле, – ойла Алия.

Х.АЛЕКСАНДРОВА.

Фотом еш архив гыч налме.

Чолга үдырын яра жапше йөршын уке манаш лиеш. Умаште «Большой школьный пикник» всероссийский фестивалышке миен. Тений «Смена» всероссийский йоча рүдерыште «Кибер-лагерь РДШ» сменяште канен. *«Мегеймофикаций, цифровой лүдыкшыдымылык да моло нерген шуко онайым пален налынна. Кибер-турнир поснак кугу шарнымашым коден. World of Tanks ден Brawl Stars дене таңасымашла эртенят. Кибер-спорт – мемнан ончыкылыкна»,* – шарналта тиде жапым Алия. Удыр чолгалыкшылан көра

Школьник-влакын россиясе толкыныштын шочмо кечыжым Москошто эртаралтше «РДШ: Путешествие на Остров мечты» конкурсн финалыштыже пайремлен. «РДШ – территория самоуправления» всероссийский конкурсшто сенгымыжлан «Орлёнок» всероссийский йоча рүдерышке путёвкым пуэныт. Шыжым «Океан» йоча рүдерышке «Экологика» программыш каяш ямдылалтеш.

– *РДШ мыланем теҥыз тич йöным пуэн. Тиде толкын миллион дене уста үдыр-рвезым шке йырже чумырен. Тудо у шўлышым пöлекла, шулдыранда. Па-*

«Умкаште» келшен

13-22 июньшто мыланем Шуко профилян Руэм лицей-интернат пелен эртаралтше «Умка» лагерьыште лияш пиал шыргыжалын. Тушто республикысе түрлө район гыч шүдö наре уста йоча шинчымашыжым келгемден. Мый биологий предмет дене кылдалтше «Амёба» отрядыште лийынам.

Кажне кечын кечывал марте тунемынна. Вара түрлө онай мероприятийышке ушненна, тоштерлашке экскурсий дене коштынна. Шуко ум пален налынам. У йолташ-влакым муынам. Кочкашат тамлын пукшенят. Мыланем тиде лагерьыште пеш келшен.

Иван ПОЛЯНИН.

У Торъял, Токтарсола.



Фотом лицейын архивше гыч налме.

Сенгымаш

«Зарница Поволжья» юнармейский военно-спортивный модышын республикысе йыжыңже «Авангард» рүдерыште эртаралтын. Республикысе районла да олала гыч 17 команде таңасен. Волжск олесе А.С.Пушкин лүмеш 9-ше номеран школын командыже сенгышыш лектын. Кокымшо верым Марий Турек район Нартас школын үдыр-рвезыже-влак сөген налынят. Йошкар-Ола гыч «Защитник 24» команде кумшо лийын.

Увер

Россиясе просвещения министрстве Школьник-влакын россиясе толкынышт дене пырля «Дети – детям» акцияым увертарен. Кумылан-влак Донецк ден Луганск Калык республикласе йоча-шамычлан книгам погат. Акций **20 август марте** шуына.





– Түр-лө лү-дыкшө ситуацийыште икем чын кучымо нерген занятий, усталык мероприятий-влакым мыланна эртареныт. Шинчымашым пенгыдемдаш сай йон пуалтын, – ойла Адам.

Самырык спортсмен районшто, республикыште, Россияште эртаралтше тагасымашлаште вийжым терга. «Лүдыкшыдымылык школ» республикысе соревонованиыште ий еда сенгышыш лектеш. Спорт туризм, шахмат дене пенгыде кылым куча.

«Писынрак, күшкырак, талынрак»

Тунеммаште, түвыраште, спортышто да моло аланыште кугу күкшытыш шушо ўдыр-рвезе-влаклан «Артек» тўнямбал йоча рўдерыште канаш йон пуалтеш. Теве Марий Турек район Арбор школын тунемшыже Адам Малининлан (снимкыште) «Наследники Великой Победы» сменяште лияш пиал шыргыжалын. Тудо тале спортсмен.

– Түр-лө лү-дыкшө

Футбол дене талын модеш, куржталеш, ече дене кош-теш. ГТО нормативым сайын сдатлымыжлан шўртнў значокшо уло. Физкультур дене районысо олимпиадыште сенышыш лектын.

– Тыгай сенгымашике шумылан физкультурым туныктышо Людмила Николаевна Семёновалан кугу таум ойлем. Мый капкылемым кажне кечын шуарем. Ончыкыжым МЧС пашаеҥ лийнем. «Писынрак, күшкырак, талынрак» манме ойым ушыштем эре кучем, – ойла Адам.

Х.АЛЕКСАНДРОВА.



Фотом еш архивгыч налме.

Кумылын ушнем

Ялыште йоча-влак, пырла погынен, футбол дене модаш йоратена. Ял воктене тўр олык уло. Тудо мемнан стадионна. Мече почеш э-э куржталына вет. Мыят рвезе-влак радамышке кумылын ушнем. Нуно ўдыр улмем огыт ончо, модаш йоным пуат. Мыланем футбол дене модаш келша. Тўткылык, писылык вяяныт.

Кристина КРАСНОВА.

Морко, Коркатово.



Мыланем эн чотшо бассейныште йўштылаш келша. Ийынже эше ом мошто, но тунем шуаш шонем. Вўдыштў капкылым шуарена, тазалыкым пенгыдемдена.

Софья СОКОЛОВА.

У Торьял, Тошто Торьял.

Шўшпык чарен

Футбол дене модым эскерыше судья эн ончыч лийын огыл. 1873 ийыште эскерышым шогалтымеке, тудо футболист-влаклан кычкырен, куэмым лупшен умылтарен. 1878 ий 10 июлышто Лондонышто эртаралтше футбол дене модмашым полиций пашаен эскерен. Кок команде вашла кучедалаш тўналмеке, тудо, шоналтыде, шўшпык дене шўшкалтен. Модшо-влак кучедалым чарненыт. Тиддеч вара судья-влак шўшпыкым кучылтыт.

Артём ИВАНОВ.

Йошкар-Ола, 24-ше №-ан школ.

12-13 ияш рвезе-шамыч коклаште ойыртемаптыныт. Советский посёлкысо «Звезда» ўдыр-влак команде 14-15 ияш ўдыр-шамыч коклаште икымше лийын. Рвезе-влак коклаште Волжск олесе «Волжск» команде чылам ончылтен. Сенгышыш лекше команде-влак всероссийский тагасымашын финалыштыже Марий Элын чапшым аралат.

Лагерыште

Мый икымше классым тунем пытарышым. Тений икымше гана лагерыште канем.



Йоча-влак, палыза, кў мече деке миен шуэш!

8 июль – Еш,
йоратымаш
да ўшанле
улмо кече.

Порылык – тукум гыч тукумыш

Йошкар-Олаште илыше Жировмыт еш (сникыште) шкеныштым тўрлө вере тергат. Усталык шўлышан, чолга ешын ик шўрынжө – волонтер паша. Девизышт – «Порылык тукум гыч тукумыш куснышаш». Ава Мария Вячеславовна икшывыже-влакым волонтер пашалан изинек шўманден. Тукумвожым шымлат, изинек эмганен кушшо йоча ден кугыен-влаклан, уста самырык еншамычлан полшат, экологий акциялам эртарат, оза деч посна кодшо ныл йолан йолташ-влаклан польш кидым шуялат.

– Тукумвожым 1997 ийыште шымлаш тўналме. Тачысе кечылан шым кугезе тукум нерген палена. Фото ден серыш-влакым онченна, газет гыч пўчкеден лукмо лаштыклам шергалынна, шоңгыен-влак дене мутланенна. Шукыштан персоналный картычкым ыштенна. Мемнан родо-тукумна волонтер паша дене чак кылдалтше лийын, – ойла Мария Вячеславовна. – Нунын сомылыштым кызыт мешеуна. Волонтер паша – мемнан илыш, чоным куандарыше сомыл. Шкенан йыр тунемше, самырык-влакым чумырена. Кызыт командыште 270 утла волонтер уло.

М.В.Жирован Маргарита ўдыржө Йошкар-Оласе Бауман лицейын 10-шо классым тунем пытарен. «Дорога в творчество» проектше дене «Доброволец России» всероссийский конкурсышто сеңышыш лектын. Изинек эмганен кушшо йоча-влаклан турист корным «Рука об

руку» проектше почеш ямдыленыт.



– Ме шуко вере лектын коштына. Изинек эмганен кушшо, ача-ава деч посна кодшо йоча-влаклан мероприятийлам эртарена, пидаш, тўрлаш тунуктена, изирак концертым ончуктена. Ме кажне ўдыр-рвезе дене вашкылым ышташ тыршена, сандене изиш психологат лияш перна. Йоча-



шамыч кеч ик жаплан ойгыштым мондышт манын, эре шонена, – ойла Маргарита.

Катя ты лицейын 6-шо классышкыже вончен. Ава ден акаже семьяк «порылык» корным тошка.

– Волонтер лияш мыланем келша. Ты радамыш шогалемлан вич ий эртыш.

Команде дене пырля шуко пашам шуктена. Кугу Ачамланде сарыште лийше ветеран, тылыште тыршыше-влак деке коштына: 100 наре ең деке миенна, – ойла Катя.

Жировмыт еш порылык дене ила. Чон йодмо пашам шукта. «Волонтер радамыш шогалаш шонышо-влаклан мом темледа?» – манын йодмемлан самырык ава тыге вавештыш:

– Те эн ончыч шоналтыза: поро кумылым ончыктышо польшышым кеч-кўлан да кечкунам пуэн кертыда мо? Шукыштан тиде паша келша, да нигунамат огыт чарне. Тек тўняште порылык озалана.

Е.ИВАНОВА мутланен.


Фотом еш архив гыч налме.

Фотом еш архив
гыч налме.

Пиалан улам

Мый шкемым эн пиалан айдемылан шотлем. Молан, шонеда? Ачам, авам, ковам, шольым улыт. Вашла умылен, келшен илена. Ачамлан вольыкым ончаш полшем. Авам дене пырля пўрткўргым эрыктена. Ковамын кўэштме мелнаже эн тутло. Лишыл еңем-влак, мый тендам моткоч йоратем. Еш, йоратымаш да ўшанле улмо пайрем дене саламлем.

Костя ШЕХУРДИН.
Шернур, Купсола.



Акай

Акай, мый тыйым йоратем
Да уло чон дене ойлем:

– Улат тый мыйын

икте вел,
Эн ныжыл, ковыра, эсен.

Ом пале йоршын: ну молан
Эре лийнем мый пеленет?
Ом шиж мый йўсым

нигунам,
Кунам улат тый воктенем.

Арина АНДРЕЕВА.
Волжский, Пўтьял.





– Шортньо кидан ең-влак, нунын кидпашаит нерген самырык тукум палышаш. Тачысе кечат, илен-толыв, историйын ик ужашыже лиеш. Йоча-влак историйым палышт, калык дене кугешнышт шонен, мый пашам ыштем, – ойла Галина Николаевна.

Наташа ден Диана шымлыме пашам книгагудо гыч тунгалыныт. Книга, газет-влакым шергалыныт. Олыкъялыште верланыше Н.С.Мухин лумеш тоштер-пörтышкө миеныт. Кидмастар-влак дене вашлийын кутыренит.

– Ожно мастар-влак кидпашаштым кундем деч тораитат чапландареныт. XIX курымашто мари тюр

Пашаштым ончен тунемыт

Морко район Купсола школын 3-шо классшым тунем пытарыше-влак Наташа Токунова ден Диана Григорьева мари йулам изинек шымлат. Уста кидмастар-влак дене палыме лийыт, нунын пашаштым ончен, шкештат тунемыт. Удыр-влак Кугу Шале кундемнын кидмастарышт Л.К.Васильева, Г.С.Михайлова, Н.А.Константинова нерген шымлыме пашам возеныт да «Ший талешке – тукум-влакым ушышо кыл» республикысе конференцийшке аклымашке луктыныт. Ты пашалан нуным туныктышышт Г.Н.Сергеева (снимкыште – удыр-влак дене пырля) кумылан да.

Российыште веле огыл, Европышто да Америкыште эртаралтше тунембал ончерлашты лийын. Кызыт тунембал мучко шарлен, – палдарат удыр-влак. – Мемнан кундеммысе кидмастар-влак деч мари тюр, ижгар нерген шуко оңайым пален налынна. Нуно мемнам усталык дене шийманденит. Шымлыме пашана дене йоча-влакым



палдараш тунембалына.

Е.ИВАНОВА.
Авторын фотожо.

Чонжо калык верч йула

Советский район Ушнур школын 11-ше классшым тунем пытарыше Татьяна Дмитриева (снимкыште) мари йулам шымлаш кумылан. Пытартыш шымлыме пашаже «Чон куаным тыге шочыктем...» маналтеш. Вуйлатыше – мари йылмым да литературым туныктышо З.А.Волкова.

– Кажне ең элжын патриотшо лийшаш. Шочмо калыкын йулажым палыде, ончыко каяш огыш лий. Ме шочмо кундемнан мастар еңже-влак нерген палышаш да нунын усталыкыштым шымлышына. Мари тюр-ран поянлыкше тукум гыч тукуммыш куснен толеш. Мемнан паша-

на – аралаш, – ойла Таня. Мари удырын шымлыме пашаже Ушнур ял гыч уста кидмастар, тюрлызё, мари йулам жаплыше, «Весела кумыл» ансамблын участникше Г.Н.Волковалан полеклалтын. Галина Николаевна мари тувырым тюрла, курчак-влакым сораастара. Пашаже-влакым тюрлө ончерыште, конкурсышто ужаш лиеш. Кидмастарым эсогыл «Поедем, поедим!» телепрограммыште ончыктеныт.

– Галина Николаевна дене моткоч кугешнем. Тудын гаяк чолга, мари шийлышан, шочмо калык верч йулышо лияш тыршаи тунембал, – ойла мари удыр.

Х.АЛЕКСАНДРОВА.

Мари семузгар

Марла гармонь


Россий мучко гармонь XIX курым кыдалне шарлен. Эн ондак мари-влак дене Виче олаште ыштыме гармонь логалын. Тудын пурла велныже шым клавиш лийын. Илен-толыв, мари-влак шке муро йук радамыштлан келшыше гармоньым ыштеныт. Пытартыш жапыште кучылтмо марла гармонь латкок панган. Кажне пангаже ик йуком гына луктеш. Шола кид дене шокташ ныл мужыр клавишым ыштыме. Кызыт марла гармонь олмеш кок радаман хромка, баян ден аккордеон кумда верым налыныт.



Россий Федерацийысе цифровой вианмаш, связь да массовый коммуникаций министерствын окса польшыж дене лукмо.

Колызо деч канаш

Кенеж каныш тўналмеке, ме, кум йолташ Ваню, Егор да мый, кол кучаш ошкылна. Пычкемышалташ тўналмеке, эңырышке йын-гырым пижыктышна, шкеже палаткыш чымалтна. Изиш



лиймеке, йын-гыр йўкланаш тўнале. Төрштен кы-нелын курж-на, э-э эңы-рым шуп-шына. Тушты-

жо кугу карп кече. Могай куан! Но тыгодым Ванюн кўсенже гыч телефон лектын возо, вўдыш пуренгайыш. Ынде мом ышташ? Колет-мочет, эгер пундашыште телефоным кычалына, пургедына. Содыки телефоным муын кертна. А тыланда, йолташ-влак, канаш: кол кучаш каеда гын, телефоным сереш кодыза.

**Максим СУСЛОВ,
Егор ПОЛЯКОВ.**

Оршанке, Нужавлак.



Фотом еш архив гыч налме.

11 июль – Шоколадын тўнямбал кечыже.

➔ Тиде кечым француз-влак 1995 ийыште икымше гана пайремленят.

➔ Грек йылме гыч какао пушенге «Юмын кочкышы-жо» манын кусаралтеш.

➔ Эн ондакше шоколад йўыш лийын. 1842 ийыште Бристоль олаште (Великобританий) плиткан шоколадым икымше гана ыштеныт.

➔ Шем шоколад эн пайдалылан шотлалтеш. Тудо артериальный давлени-йым волта. Пўйлан эн-гекым ок ыште, мўнгешла, пўйшыл ден пўй эмалыым пенгыдемда.

➔ Российышке шоколадым Петр I Европо гыч конден.



Изи озавате

Тутло сий

Шоколадым мўнгыштў ышташ лиеш. **Тидлан кў-лыт:** 100 грамм какао порошок, 40 грамм ушкал ўй, 50 грамм сакыр порошок.

Ўйым тул ўмбалам левык-таш. Какао порошок ден сакыр порошокым пырля вараш да тыгыде шаршокте гоч колташ. Ўй левымеке, тиде вартышым пышташ. Ўмбал гай пенгыде лиймекше, тул ўмбач корандаш. Формыш оптен, 4-5 шагатлан йўштў верыш шындаш.

Шере кочкыш

Шоколадым йўратыдыме йоча уло мо? Уке, очыни. Могай гына таман: пўкшан,

Алёна ЧАПИШЕВА.

изюман, кокосан да молат – шоколадым огыт ужале! Нуным тамлен ончыде, кузе чытет? Шоколады пайдажат уло: кумылым нўлта, шинчам писемда, иммунитетым пенгыдемда. Мыланем пўкшан шоколад келша. А те, йоча-влак, могайым утларак йўратеда?

Волжский, Сотнур.



Кечывал кочкыш годым ача эргыж деч йодеш:

- Колю, кидетым мушкыч дыр?
- Ачай, мый текгечак мушкынам!!!

Сўретлен пытарыза да чиялтыза.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ-ВЛАК: Мари-й Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште по-гымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт тўрлў лийын кертят. Серыш-влак мўнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пўрт.
Тел. 8(8362) 45-22-82(факс)

Ешартыш лайкым кузе погаш?

400 лайк:

2022 ийын кокымшо пелийжылан «Ямде лий» газетлан почто гоч подпискым ышташ да квантанцийжым але тудын копийжым редакци-йышке колташ.

200 лайк:

электрон подпискым ышташ. 89027382237 номер дене Сбербанкыш оксам колташ але тиде номерышке 150 тенгем пышташ. Электрон почтыдан адресшым возен колташ ида мондо. Редакция гоч подпискым ыштышат тынар лайкым налеш.

Ушештарена:

мынар шукрыак подпискым ыштеда, тунар шукрыак лайкым погаш йон лиеш. Тугеже газетлан возалташ родо-тукумдама т ушен кертыда.

Йулам арале – тувырам пойдаре.

Мотор марий тувырым чиен, сылнын войзалтме фотода лыгак уло, шонена. У конкурсышко колташ вашкыза. Ала иктаж-могай кидпашам ышташ йоратеда? Тудымат фоташко войзыза. Семүзгар дене шоктеда гын, эшеат сай фото «шочшаш». Кумдан палыме ег але тошто арвер нерген шымлыме пашам эртареда – фотом ыштен, конкурсышко ушныза. Икманаш, фантазийда веле ситыже. Адакшым 2022 ий Россиясе калык-влакын тувыра поянлыкышт идалыкклан шотлалтеш.

Фотографийдам https://vk.com/yamde_lii түш-кашке сообщений дене колтыза. Паша-влакым газетеш да группеш верандена. Эн шуко лайкым погышо постын озаже сенгышыш лектеш. Түткө лийза! Йүклышö


«Ямде лий» –

Фотом 30 сентябрь марте колташ лиеш.


Сенгышым чапле пöлек вуча.



Кажне радамыште мо уто да молан? Умылтарыза.



Ик шырпым верже дене ваш-талтен, чын вашмутым ыштыза.



Сүрет-влак могай фигурла койыт? Ну-ным стрелке дене ушыза.




Улыл квадрат-влакым күлешан верышке шындыза.



Могай ме түрлө улына,
Садак келшен ме илена.
Тек тўняште лийыт
келшынамш,
Куанен, юарлен илымаш.
Н.ГОДУНОВА.
Йошкар-Ола.

Судоку



Интернетесе сүрет-влакым кучылтмо.